

地輿志

疆域

邑在鄖陽府城東南陸路五百三十里水路六百三十里
東百里抵襄陽府南漳縣界地名雙廟
南百八十里抵宜昌府興山縣界地名八里荒
西九十里抵房縣界地名柳園鋪
北六十里抵襄陽府穀城縣界地名東莊峪
東南百四十里抵南漳縣界地名界山
西南二百里抵宜昌府東湖縣界地名黃坪河

保康縣志

卷一 地輿 疆域

一

西北八十里抵穀城縣界地名會香觀

東北四十里抵穀城縣界地名黃界

廣百九十里袤二百五十里

自縣治至省城陸路由南漳九百五十里水路由穀城千六百四十里

自縣治至京師二千七百二十里

東枕蛇峪南帶峽沙西控筆架北接烏嶺屹然巖險之隅
蛇峪山縣東五里一名萬朝山峰色秀麗爲邑勝概
三十六榜山東南三十里一峰秀出橫列如屏

滴水巖南八里古木一株臃腫拳曲儼若虬龍不知幾百年
物明季忽枯

國初枝葉復榮青翠森蔭望之如華蓋焉

釣魚磯南十五里兩岸石壁參差如魚鱗中有仙人掌跡旁
有仙人洞釣者恒垂綸於側

沙崖屋西南二十五里有洞似屋可居歲久不圯

跳魚洞西南三十里地名門樓頭石橫河中水如瀑布遊魚
跳躍而上

冬瓜巖南四十里巖穴中一石下垂狀若霜瓜

保康縣志

卷一 地輿 疆域

二

黑龍洞南四十里車峰坪洞在山腰歲旱禱雨輒應

千家林南六十里層巒疊嶂結成巨嶺西連紅巖寺東接程
起山廣百里有奇袤五六十里其上寬坦霧作冥濛莫辨登
者輒記路以標夏月亦衣棉中有白牡丹幹巨而古花嘗數
百朶望之若素娥嬌嬈香氣襲人移植山下則易萎

羊門洞南六十五里相傳洞初開有羊隨水浮出項繫有牌
故名羊門或曰水聲洋洋亦作洋門

亢家巖西南五十里巖高百丈中開一穴高濶各二十餘丈
內供佛旁有小池水常滿避亂者汲飲於此不溢不竭

樓鼓山南百二十里峰攢巒矗如鼓如樓不可具狀

回龍寺山南二百里崖高萬丈一嶺盤屈上開二峰峭削成前峰傳有祖師止其上因建祖師殿以石橋飛渡後峰觀音殿遊者目眩心驚不敢俯視

橋上有碑嘉靖年建

穿洞南二百里地名白石河山村周遭約七里許河水直達洞口洞中半爲深溪半爲灘水聲如雷相傳別有石礫可階入不知所止或以鴨送入流數十里從山腰水洞出

筆架山西里餘高峰插雲橫側異態左右挹拍肩袂互形類蘇氏研席間物

保康縣志

卷一 地輿 疆域

三

烏呼岬西北十五里古楊一株挺植岬前輪囷離奇月夜望之更覺婆娑

九龍洞西南四十里下有清潭極深潭盡處有石棹橫焉棹後復有洞狀似龜蛇守其口無敢入者每旱禱雨立應乾隆

四十七年知縣張曾秀勒石記之

禮曰有功德於民則祀之又曰能禦大災捍大患則

祀之矧有求輒應者之爲靈昭乎哉保邑陶家溝終南洞神明之隩洞深四層層有壇前三壇有水若神漢然至四壇乃無水僅容十餘人後洞深杳生不可測人畏莫敢進壇旁列石鐘石燭石香爐之屬皆天然生成不假雕琢吾聞境之異者神必憑焉又聞深山大澤實產龍蛇詢之居民有旱輒求無不應秀今春涖此土夏五旱因竭誠齋戒步禱日輒求

又踰日大雨尤異者禱時置空瓶於壇呼其靈後啓瓶以香祀

歟里人宋正國鑿其旁爲廟肖像以祀宜矣洞原名終南茲以神也改名九龍因記其求禱之應而繫以頌曰龍種有九南以其聚族抑聞路斯九子是育來居洞天作吾民福夏五炎燬木如枯束禱祀以求雲蒸山谷甘雨如注興我百穀雨玉雨神金何如雨粟載厥神功以似以續

馬盤山西南百里峰似馬頭百步九折乃得上

果老崖西南百四十里後有雙峰並峙直如旗杆亦名旗杆嶺巖腰怪石嵯峨形肖果老騎驢又縣南釣魚磯旁有果老崖

高尖山西南百三十里峭壁插天頂有古廟登者如超上界三尖山西北九十里山形聯延聳峭天外三山削不成不獨

保康縣志

卷一 地輿 疆域

四

在咸京太華也

萬連山西北十五里萬峰相接疊翠可觀

白雲山西北六十五里在蔣口上有廟唐時勅建

漆樹山東北四十里山多漆樹故名

大出寨北五十里接穀城界周圍寬廣約六十里中峰聳峙雙崖壁立自成石門門外巨石如屏容人側入絕頂平坦可耕闊十餘畝又有東西二井其水不竭居民避亂者咸賴焉望城崗城北五里許

黃連樹岬西北六十餘里

觀音巖南二十里大山宮小山頂尖秀聳下盤曲如蓮座

天馬山南十里

梅子嶺東二十里

官山東四十里

懸壺嶺東南九十里

石人山南二十五里

司空山東九十里與南漳交界處

老架山南百里

龍山南百二十里

保康縣志

卷一 地輿 疆域

五

界山南百五十里接壤南漳

段江山南百八十里界東湖

蘇園西南六十里

驢頭坡南六十里

大石腦西南八十里

金斗坪西九十里一名菌斗坪

馬欄牆西四十里

梭塞山西百八十里

萬安山西北十五里

五臺山西北百里

深溪河東南百里發源邑南山之南水出南漳縣通城河
板倉河自千家林發源至雙河觀與黃保坪水相會又至豆
沙河與清溪河會同繞縣城

清溪河源出縣南六十里伍家峽河由謝士坪至豆沙河會
板倉河水經縣城南郭北流四十里注開峰峪與粉清河會
名曰南河同出穀城入漢江

雞冠河南百里一名姬公河發源房縣山中東北流入粉水
湯峽河西三十餘里一名湯洋河溫煖可浴源出門樓頭西

保康縣志

卷一 地輿 疆域

六

南流至謝士坪入豆沙河

粉清河縣西北六十里即蔣河源發房縣羊兒灣收兩岸各溝

及珠藏洞水過蔣口達開峰峪與清溪河口會北流入南河
館驛溝東二十里水出黃保坪

豆沙河南十五里發源東流水會伍家峽羊門洞及湯峽河

洋魚洞南六十五里

歇馬河南百二十里水出通城河入當陽

金斗河西南九十里

銀溪溝西一里

珠藏洞河西七十里北岸房縣界

桑坪河西百里

大石河西百二十里

臺口河西百二十里

蛇峪溝北二十里源出東北橫冲清溪河石疊如山每逢夏漲舟不敢行

白峪溝南二十里水出豆沙河

龍蟠溝西二十五里孤峰聳峙避亂者梯壁而上今名萬古堡

蔣峪河西北六十里出蔣口入粉青河

保康縣志

卷一 地輿 疆域

七

瓦房灘西北五十里

青灘北四十五里

茨灘北五十里抵穀城界

蘇泉東門外泉自山下噴出冬夏不竭明宏治間知縣蘇惠和鑿小渠導引入城濠汲飲甚便民德之故名

國朝咸豐十年代理知縣王錫疇勒有碑

勺泉俗名一碗水西南百四十里土崗平行道左有石方丈高三尺寬二尺許旁西有小穴容水一勺味極甘行人杯飲不竭

龍王泉亦名溫泉西北二十里又縣東二十里有湯池兩泉皆出自山腹混混不竭夏涼冬溫

龍潭南百二十里地名歇馬河巖高千仞半坡突開一洞水聲潺湲由石間出乃歇馬河源也

蓮花池南百三十里山形層層環抱狀若蓮瓣中有池

天池西北四十里池在山最高處寬三畝許水清而極深或五色雲覆其上是年必稔

張家堰距城三里

三歧堰南二里 一作山溪堰

保康縣志

卷一 地輿 疆域

八

王錫堰南五里 一作王家堰

豐來堰南八里

官莊堰南十里

姚七堰南十里

堰塘西五里

均坪堰東十五里

尚王兩堰距城三十里

黃堡坪堰東距城四十里

北峰大堰距城百六十里

楊柳堰東南六十里

鷺鷥堰西北三十里

田旗堰 秦家堰俱東五十里

火市堰 車家堰俱東南五十里

方家堰在南關

河步堰西五十里

梅子堰西百三十里

塢坪堰西百五十里

蛇渠堰西北百五十里

保康縣志

卷一 地輿

疆域

隘口

九

隘口

東南塘坊埡 觀音塘係南漳來路

東北叉河離城四十里 小路通南漳穀城

西李二姐溝 馬橋口 俱百四十里 大路達房縣 乾溪溝 百六十里 小路達房縣

西蛇峪河 讓峪河 俱百五十里 小路達房縣

西南冷盤埡 兩層埡俱二百里 達房縣興山要路

西高才溝百五十里 路通房達蜀

西珠藏洞口離城七十里 接房縣界兩岸 高峰壁立 中通粉

水旁有谿 徑為房縣由青峰來路 中有柳園 鋪小路 可通

北開峰峪口距城四十里水陸俱可達穀城水路兩岸峭壁急流灘多舟行最險陸路亦崎嶇

北東莊峪口距城六十里交穀城界同治三年知縣林讓昆聞有警諭團首疊石設卡境獲以安

按東莊峪以下皆穀城界府志與道志均云瑪

瑙觀縣北七十里交穀城界誤

古蹟

九斤城西北六十里地名寺坪相傳昔人建城於此權其土僅九斤以爲風水輕故棄之址猶存
館驛溝東二十里昔曾建驛

保康縣志

卷一 地輿

隘口

古蹟

十

九龍寨西南九十里昔人避兵處

大坪洞南二百里中虛曠外突出若層岩溜水不絕洞左半置廟宇供佛像洞右爲村童聚學處其塾師卧榻及爐竈之具皆天然石成另有舊佛堂相傳爲宋時建

三眼石南百八十里係興山東湖保康三交界處

望夫山

一作望佛山

西南百八十里爲邑羣山之祖

脈自茅山來

赤巖觀西南百四十五里地名受陽坪一山矗起山半有洞敞若殿宇石色赤洞頂則五色石結成平如刀削傍後小結層巖有潭三

一名黃龍潭一名白龍潭一名黑龍潭

宛若甕口水常滿水之色

各如其名常有雲氣往來天將雨水噴起若湯沸潭前有石臺人就臺上置廟供佛旁有淨水池爲進香沐浴所洞外別開一石穴中分爲二右爲丹房左爲藥室有天然石臼在焉將軍石北四十里地名開峰峪獨立河中若砥柱然

受陽坪西南百四十五里地勢平曠峰色秀麗昔人建城於此今廢

唐書地理志武德元年置受陽縣

湯陽觀西四十里山脚有深溪溪旁出溫泉熱氣沸騰浴之可已疾半山石壁聳出上爲佛寺寺後突起尖峰高百丈極頂處置祖師殿旁小路石徑紆曲緣木而上稱絕險

保康縣志

卷一 地輿 古蹟

十一

墳墓

楊楓巖墓南七里碑鐫明嘉靖南和侯楊楓巖墓

謝肇紀墓南八里蜂兒巖碑鐫明萬曆平陽侯謝肇紀墓

杜謐軒墓在城西一里銀溪溝明萬曆開縣知縣邑貢生杜謐軒之墓

麻清湖墓縣西崗上離城五里墓前殘碑鐫明勅授文林郎晉奉政大夫麻清湖之墓

于逢春墓爵里不詳在三溪溝離城十里疊石爲墓上留一孔覆以屋相傳曾有啓視者見墓內一棺繪五彩以鐵鑿繫

四角懸之墓碣稍可摩識鐫明憲于公逢春之墓子名府題其墓者爲中憲大夫奉勅雲南按察使前貴州道監察御史進陟大中太保楊春以萬曆二年甲戌仲夏月葬邵大姐墓西北五十餘里世里無考邑人黃錦爲之勒碑墓側曾有古木一株冬夏垂青往來行人託蔭於此古風墓老公墓名氏無考亦失其處

風俗

地險土瘠喪祭不用浮屠風猶近古婚禮崇尚儉樸邑無溺女之家